



UNIVERSITÄTS-  
BIBLIOTHEK  
PADERBORN

**SANCTI|| IOANNIS|| DAMASCENI OPERA,||**

**Johannes <Damascenus>**

**Parisiis, 1577**

De mandatis Dei, & ijs qui ea custodiunt. cap. ix.

---

[urn:nbn:de:hbz:466:1-71880](https://nbn-resolving.org/urn:nbn:de:hbz:466:1-71880)

**A** Quærite Dominum, dum inueniri potest, inuocate eum dum propè est: De-  
relinquat impius viam suã, & vir iniquus cogitationes suas, & reuertatur ad Do-  
minum; & miserebitur eius, & ad Deum nostrum, quando multus est ad igno-  
scendum. Non enim cogitationes meæ cogitationes vestræ, neque viæ vestræ viæ  
meæ, dicit Dominus. Quia sicut exaltantur coeli à terra, sic exaltatæ sunt viæ meæ  
à viis vestris, & cogitationes meæ à cogitationibus vestris.

*Tantum inter Deũ & hominem intervallum est, quãtum nulla oratione exprimi queat. Incerti.*

*De mandatis Dei, & iis qui ea custodiunt. CAP. IX.*

**B**



**S**I AUDIERITIS vocem meã, & custodieritis pactũ meum, *Exod. 19.*  
eritis mihi in peculium de cunctis populis. Mea enim est omnis  
terra. Et vos eritis mihi in regnum sacerdotale, & gens sancta.

Si audieris vocem meam, & feceris omnia quæcunq; dixerò  
tibi, disperdã inimicos tuos, & aduersarius ero aduersariis tuis.

Si in præceptis meis ambulaueritis; & mandata mea custo- *Leuit. 26.*  
dieritis, & feceritis ea, dabo vobis pluuias temporibus suis, &

terra gignet germen suum, & pomis arbores replebuntur. Apprehendet messium  
tritura vindemiam, & vindemia occupabit sementem, & comedetis panem ve-  
strum in saturitate, & absque pauore habitabitis in terra vestra: Dabo pacem in  
finibus vestris. Dormietis, & non erit qui exterreat. Auferã malas bestias, & gla-  
dius non transibit terminos vestros. Persequemini inimicos vestros, & corruent  
coram vobis. Persequentur quinque de vestris centum alienos, & centum de ve-  
stris decem millia. Cadent inimici vestri gladio in conspectu vestro: Respiciam  
vos, & crescere faciam: multiplicabimini, & firmabo pactum meum vobiscum.  
Comedetis vetustissima veterum, & vetera nouis superuenientibus proicietis.  
Ponam tabernaculum meum in medio vestri, & non abiiciet vos anima mea.  
Ambulabo inter vos, & ero Deus vester.

Custodi temetipsum, & animam tuam sollicitè. Ne obliuiscaris verborũ, quæ *Dent. 4.*  
viderunt oculi tui, & ne excidant de corde tuo cunctis diebus vitæ tuæ. Obser- *6.*

**D**ua vt facias, quæ præcepit tibi Dominus, vt bene sit tibi. Non declines neque *9.*

ad dextram, neque ad sinistram: sed per viam, quam præcepit Dominus Deus ves-  
ter, ambulabitis, vt viuatis. Si audieritis iustificationes has meas, & custodierit-  
is, & feceritis eas, custodiet Dominus vobis pactum suum, & misericordiam, quã  
fanxit patribus vestris. Et diliget te Deus, & benedicit fructus ventris tui, & fru-  
ctum terræ tuæ, & triticum tuum, & vinum tuum, & oleum tuum, & benedictus  
eris super omnes Gentes. Si audieris vocem Domini Dei tui, benedictus eris *28.*  
in agro, & benedicta horrea tua, & benedictæ reliquæ tuæ. Benedictus eris ingre-  
diens & egrediens. Mittet Dominus benedictionem, vbicunq; inieceris manum  
tuam. Et benedictet omnia opera manuum tuarum. Foenerabis gẽtibus multis, &

**E** ipse à nullo foenus accipies. Dominaberis gentibus multis. Et constituet te Do-  
minus in caput, & non in caudam, & dabit pluuiam super terram in tẽpore suo.

Dixit Samuel, Nũquid Dominus vult holocausta & sacrificia, & non potius *1. Reg. 15.*  
vt obediatur voci Domini? Melior est enim obedientia, quàm victima.

Obedientia tua multiplicauit me in dilatationem.

Vias eius custodiui: & non declinabo à mandatis eius, ne moriar. Si audie- *Iob. 23.*  
rint, & seruerint, perficient dies suos in bonis, & annos suos in elegantia.

Præceptum Domini lucidum, illuminans oculos. Iustitia eius in filios ho- *Ps. 18. 102.*  
minum, his quæ seruant testamentum eius. Vtinam dirigantur viæ meæ ad cus- *118.*  
todiendas iustificationes tuas. Lex tua veritas.

Omnis sermo Dei ignitus: clypeus est sperantibus in se.

Finè loquendi pariter omnes audiamus. Deum time, & mandata eius obserua. *Pro. 30. Eccl. 7. 6.*

D. IOANN. DAMASCENI

- Præceptū Domini fons vitæ. Qui diligūt legē, muro seipfos circūcingūt. **P**  
*Zach. 2.* Hæc dicit Dominus, Si in viis meis ambulaueris, & præcepta mea custodieris,  
 tu diiudicabis domum meam.  
*Esa. 55.* Audite audientes me, & comedite bonum, & delectabitur in erassitudine ani-  
 ma vestra.  
*Ecli. 19.* Melior est homo qui minuitur, & deficiens sensu in timore, quàm qui abun-  
 23. dat sensu, & transgreditur legem Altissimi. Nihil dulcius quàm operam dare  
 32. mandatis Domini. Qui quærit legem, explebitur ea. Pone thesaurum tuum  
 in mandatis Altissimi, & proderit tibi magis quàm aurum.  
*Mat. 7.* Non omnis qui dicit mihi, Domine, Domine, intrabit in regnum cœlorum:  
 sed qui facit voluntatem Patris mei qui in cœlis est. Quicumque audit sermo- **G**  
 nes meos, & facit eos, similibo eum viro sapienti, qui ædificauit domum suam  
 supra petram: & descendit pluuia, & venerunt flumina, & flauerunt venti, & in-  
 cubuerunt in domum illam, & non cecidit. Fundata enim erat supra petram.  
 12. Quicumque fecerit voluntatem Dei, hic frater meus, & soror, & mater est.  
*Io. 8.* Qui ex Deo est, verba Dei audit. Si diligitis me, mandata mea seruate.  
 14. Si quis diligit me, sermonem meum seruabit, & Pater meus diliget eum, & ad  
 eum veniemus, & mansionem apud eum faciemus.  
*1. Cor. 7.* Circuncisio nihil est, & præputium: sed obseruatio mandatorum Dei.  
*1. Io. 3.* Qui seruat mandata eius, in ipso manet, & ipse in eo.  
*Chryf.* Quod in cithara cantu est ars, hoc in Dei legibus est operum demonstratio. **H**  
*Euagr.* Quæcumque nobis Lege præcipiuntur, ea exequi necesse est. Atque ista tributi rationem  
 obtinent. Quæ autem ab animi inductione atque instituto proficiuntur, vt *virginitas, ac*  
*secessus à mundo, dona sunt, ac xenij rationem habent. Xenium porrò non necessitate offer-*  
*tur. Alioqui enim xenium non fuerit.*

De mandatis Dei, & iis qui ea non custodiunt.

C A P. X.

*Gen. 3.*



OCCAVIT DEUS ADAM, & dixit ei: Adam ubi es? Qui ait:  
 Vocem tuam audiui in paradiso: & timui, eo quòd nudus es- **I**  
 sem, & abscondi me. Cui dixit Dominus: Quis enim indica-  
 uit tibi quòd nudus esses, nisi quòd ex ligno, de quo præce-  
 peram tibi ne comederes, comedisti?

*Leuit. 26.*

Si non audieritis me, nec feceritis omnia mandata mea: si  
 spreueritis leges meas, & iudicia mea contempseritis, vt non  
 faciatis ea, quæ à me constituta sunt, immittam in vos anxietatem & scabiem, &  
 auriginem. Visitabo vos in egestate & ardore, qui cõficiat oculos vestros, & con-  
 sumat animas vestras. Frustra feretis semetem, quæ ab hostibus deuorabitur. Po-  
 nam faciem meam contra vos, & corruetis coram hostibus vestris, & fugietis ne-  
 mine persequente. Conteram insolentiam superbiæ vestræ. Et dabo vobis cœlum  
 ferreum, & terram æneam. Et non dabit terra fructum suum. Et comedetis car- **K**  
 nes filiorum vestrorum & filiarum vestrarum.

*Deut. 27.*

Maledictus homo, qui non permanet in sermonibus legis huius, nec eos ope-  
 re perficit. Et dicit omnis populus, Amen.

23.

Maledictus eris in ciuitate, & maledictus in agro. Maledictum horreum tuum,  
 & maledictæ reliquæ tuæ. Maledictus fructus ventris tui, & fructus terræ tuæ, ar-  
 menta boum tuorum, & greges ouium tuarum. Maledictus eris ingrediens, & ma-  
 ledictus egrediens. Mittet Dominus super te famem & esuriem, & increpationem  
 in omnia opera tua, quæ tu facies: donec conterat te, & perdat velociter, propter  
 adinuentiones tuas pessimas, in quibus reliquisti me. Adiungat tibi Dominus pe-  
 stilentiam, donec consumat te de terra, ad quam ingrederis possidendam. Percu-  
 tiat te